




## ԽՐԻՄՅԱՆ ՀԱՅՐԻԿԻ ՄԱՀՎԱՆ ՀԻՄՆԱՄՅԱԿԻՆ ՆՎԻՐՎԱԾ ՀԱՆԴԻՍՈՒԹՅՈՒՆ ՀՈԳԵՎՈՐ ԶԵՄԱՐԱՆՈՒՄ

Նոյեմբերի 21-ին, հինգշաբթի օր, երեկոյան ժամը 3.30-ին, Հոգևոր Ճեմարանի հանդիսութեանց սրահում, կազմակերպվել էր հիշատակի երեկո խորիմյան Հայրիկի մահվան հիսնամյակի կապակցությամբ:

Հանդիսության նախագահում էր Վեհափառ Հայրապետը: Ներկա էին Մայր Աթոռի ամբողջ միաբանությունը, Հոգևոր Ճեմարանի տեսչական և դասախոսական կազմը, ուսանողությունը, վանքի պաշտոնեությունը և մասնավոր հրավիրյալներ:

Խորիմյան Հայրիկի մահվան հիսնամյակին նվիրված հիշատակի երեկոն բացվեց Հայկական ՍՍՌ Պետական Հիմնի նվագախումբի և «Տէր, կեցո՛ւ» մալթերգով, որոնք ունկնդրվեցին հոտնկայս:

Հանդեսի բացման խոսքն ասաց Հոգևոր Ճեմարանի վերատեսուչ գերաշնորհ Տ. Հայկազուն սրբազանը՝ ոգեկոչելով խորիմյան Հայրիկի քաղցր հիշատակն ու սիրելի անունը: Գ դասարանի ուսանող Կարապետ Սուքիասյանը մի հատված կարդաց խորիմյան Հայրիկի «Շաշի ճառ»-ից: Ա լսարանի ուսանող Հակոբ Պողապալյանը խոր հուզումով մեներգեց «Հայրիկ, Հայրիկ» հանրածանոթ

երգը: Բարեշնորհ Սարգիս սարկավազ Սարգսյանը արտասանեց Պետրոս Դուրյանի «Խորիմյան Հայրիկ» բանաստեղծությունը: Հոգևոր Ճեմարանի երգչախմբի կողմից երգված «Հայրիկն Հայոց» խմբերգից հետո, խորիմյան Հայրիկի կյանքին և գործունեության նվիրված ընդարձակ և բովանդակալից զեկուզումով հանդես եկավ «Էջմիածին» ամսագրի խմբագիր պր. Արթուր Հատիտյանը: Բ լսարանի ուսանող շնորհունակ Ժիրայր սարկավազ Ճերեճյանը ապրումով կարդաց մի հատված «Պապիկ և Թոռնիկ»-ից: Ա լսարանից Խորեն Մելիսանաջյանը մեներգեց «Բուխուրիկ»-ը (երաժշտություն՝ Գուրգեն Ալեմշահի): Հակոբ սարկավազ Գարաճյանը արտասանեց Սիամանթոյի «Խորիմյան Հայրիկ» բանաստեղծությունը: Ապա «Թե թե ունեի» խմբերգից հետո խոսք առավ Վեհափառ Հայրապետը, մի անգամ ևս ապրեցնելով բոլոր ներկաների սրտերում խորիմյան Հայրիկի պաշտելի անունն ու խնկելի հիշատակը:

Խորիմյան Հայրիկի մահվան հիսնամյակին նվիրված հանդիսությունը վերջացավ Տերունական աղոթքով:

